

PITANJE BR. 1

Poštovana,

Volio bih pojašnjenje kod predaje radova. Naime napisano je da se, pored ostalih priloga predaje i prikaz vlastitog konkursnog rješenja uklopljeno u partersko rješenje nakaširano na kartonu formata B0.

Zanima me šta tačno znači „nakaširano“ na kartonu, da li se isti predaje zajedno sa svim ostalim priložima (u istoj mapi/kutiji itd) te da li se smije savijati kod predaje, budući da je sam format prilično velik.

Također, pitanje kod ovjeravanja izjava o autorskom djelu i prenosu autorskih prava, da li se one ovjeravaju u Općini Stari Grad ili u općini prebivališta autora konkursa?

Unaprijed zahvalan

ODGOVOR:

Poštovani,

Vezano za Vaš upit za Konkurs želimo Vas obavijestiti o slijedećem:

Kako je dato tenderskom/konkursnom dokumentacijom prikaz vlastitog konkursnog rješenja uklopljeno u partersko rješenje pored prikaza u A3 formatu, potrebno je dostaviti kaširano na kartonu formata B0. Kaširano znači da vlastito konkursno rješenje nalijepite na neku tvrdu podlogu po vlastitom izboru (ne mora nužno biti karton), obzirom da je u planu da se po završetku konkursa organizuje izložba sa svim konkursnim radovima. S tim u vezi nije poželjno da se isti savija prilikom predaje.

Takođe, konkursno rješenje na formatu B0 potrebno je predati zajedno sa svim ostalim priložima, a ne mora nužno biti u istoj mapi, kutiji ili slično. Konkursno rješenje na B0 formatu može biti posebno omotano papirom, folijom ili samo otvoreno i vidljivo (po Vašem izboru). Bitno je da isti bude označen jedinstvenom šifrom autora rada, obzirom da će se svi predani prilozi sa istom šifrom međusobno povezati, jer pripadaju istom radu.

Vezano za ovjeru izjava o autorskom djelu i prenosu autorskih prava, iste se ne moraju ovjeriti isključivo u Općini Stari Grad ili općini prebivališta autora konkursa, već se može ovjeriti u bilo kojoj općini.

S poštovanjem

PITANJE BR.2

Postovana,

Pisem Vam u vezi konkursa svim braniteljima Sarajeva.

Zanima me da li se zna tacan broj zrtava koji se obuhvataju spomenikom?

ODGOVOR:

Poštovani,

Vezano za Vaš upit želimo Vas obavijestiti o slijedećem:

Projektnim zadatkom nije zadan broj, kao ni imena poginulih branitelja opkoljenog Sarajeva 1992-1995.god